

## **Nodiadau canllaw ar gyfer cwblhau'r Ffurflen Gais**

Gwnewch yn siŵr eich bod yn cwblhau'r holl adrannau perthnasol ar y ffurflen gais. Os oes adran nad yw'n berthnasol i chi, ysgrifennwch 'ddim yn gymwys' yn y blwch.

Cewch ddarparu CV, ond bydd CV yn cael ei dderbyn ynghyd â ffurflen gais gyflawn yn unig. Bydd unrhyw CV a anfonir ar ei ben ei hun yn cael ei ddychwelyd.

Addysg a Chymwysterau

Rhowch fanylion llawn eich addysg, gan roi manylion Ysgolion / Colegau a fynychwyd a'r cymwysterau a enillwyd, gan gynnwys lefel a gradd pob pwnc.

Cyflogaeth

Rhowch fanylion llawn eich hanes cyflogaeth gyflawn. Gall hyn gynnwys gwaith cyflogedig, gwaith gwirfoddol a phrofiad gwaith.

Gwybodaeth i Gefnogi eich Cais

Defnyddiwch yr adran hon i esbonio eich rhesymau dros ymgeisio am y swydd hon. Dylai'r wybodaeth a gynhwysir yma ymwneud yn benodol â'r fanyleb person a dylech ddangos sut y bydd eich sgiliau, medrau a gwybodaeth yn eich galluogi i gyflawni'r swydd. Gallwch dynnu ar elfennau o unrhyw agwedd o'ch bywyd, megis addysg, gwaith neu ddiddordebau, cyhyd â'ch bod yn canolbwyntio ar eu perthnasedd i ofynion y swydd.

Canolwyr

Rhowch fanylion tri chanolwr, dau o leiaf i roi barn ar eich gallu proffesiynol, a dylai o leiaf un allu cyfeirio at eich cymeriad. Dylai un geirada ddod gan eich cyflogwr presennol neu gyn-gyflogwr, os yw'n briodol.

Cofiwch gwblhau'r adran sy'n gofyn a gaiff y Brifysgol gysylltu â'ch canolwyr cyn y cyfweliad. Polisi'r Brifysgol yw cysylltu â phob canolwr cyn y cyfweliad.

Wrth ddarparu enwau canolwyr, rydych chi'n cytuno y caiff y Brifysgol ofyn eu barn ar eich cymeriad a'ch gallu mewn perthynas â'r cais hwn. Bydd y farn hon, a roddir mewn ymddiriedaeth, yn aros yn hollol gyfrinachol.

Gwybodaeth arall

Mae'r adran hon wedi'i chynllunio i ganiatáu i chi, os ydych chi'n dymuno hynny, roi unrhyw wybodaeth arall ynglŷn â gweithgareddau a/neu gyflawniadau eraill nad ydynt wedi'u cynnwys mewn man arall yn eich cais.

Ailsefydlu Troseddwyr

Nid yw collfarn droseddol o reidrwydd yn rhwystr i gyflogaeth. Mae Deddf Ailsefydlu Troseddwyr 1974 yn rhoi'r hawl i bobl sydd wedi'u dyfarnu'n euog o drosedd sydd â dedfryd o hyd at 30 mis

yn y carchar ac sydd wedi cwblhau'r cyfnod priodol o adferiad ystyried bod eu collfarn wedi 'darfod'. Yna gellir ystyried nad yw 'collfarn wedi darfod' wedi digwydd o gwbl.

Fodd bynnag mae Gorchymyn Deddf Ailsefydlu Troseddwyr 1974 (Eithriadau) yn eithrio rhai mathau o gyflogaeth o ddarpariaethau'r Ddeddf, megis swyddi sy'n dod i gysylltiad â rhai o dan 18 oed ac oedolion bregus yn rheolaidd.

Bydd unrhyw wybodaeth a ddatgelir yn cael ei chadw yn hollol gyfrinachol a'i defnyddio wrth ystyried eich addasrwydd ar gyfer y swydd yr ydych chi'n ymgeisio amdani yn unig. Os cewch eich penodi, ond nad ydych chi'n datgelu unrhyw gollfarnau, gallech fod yn agored i gael eich diswyddo neu gamau disgyblu eraill gan y Brifysgol.

Datganiad

Gwnewch yn siŵr eich bod yn llofnodi'r ffurflen gais gyflawn gan fod methiant i wneud hynny yn golygu na fydd yn bosibl i'r Brifysgol barhau â'ch cais.

### Ffurflen Monitro Cyfle Cyfartal

Datganiad

Mae Prifysgol Cymru yn ymrwymedig i gydraddoldeb cyfle a bydd yn ystyried ceisiadau ar sail teilyngdod a'r gallu i wneud y swydd yn unig. Bydd yr wybodaeth a gesglir ar y ffurflen Monitro Cyfle Cyfartal yn cael ei chadw ar wahân i'ch ffurflen gais. Bydd yn cynorthwyo'r Brifysgol i gefnogi ac annog grwpiau sydd wedi'u tangynrychioli ac yn annog amrywiaeth.

Bydd unrhyw ddata personol a gesglir ar y ffurflen yn cael ei ddal yn ddiogel ac yn gyfrinachol a bydd yn cael ei ddefnyddio gan y Brifysgol yn unol â'r darpariaethau a osodir yn Neddf Diogelu Data 1988 yn unig.

Datganiad Anabledd

Os oes gennych chi anabledd neu broblem iechyd, nodwch unrhyw effeithiau perthnasol o ran yr **anabledd neu'r broblem iechyd ynghyd ag unrhyw addasiadau a fyddai'n angenrheidiol pe baech yn cael eich gwahodd am gyfweliad.**

Trwydded Waith / Tystiolaeth o ganiatâd i weithio yn y DU

Os ydych yn ddinesydd tramor efallai y bydd angen trwydded waith arnoch chi i weithio yn y DU. **Dylech wirio eich statws mewnfudwr, os yw'n gymwys, cyn ateb y cwestiwn hwn.**

Bydd yr holl ymgeiswyr a wahoddir i fynychu cyfweliad yn gorfod cyflwyno tystiolaeth ddogfennol o ganiatâd i weithio yn y Deyrnas Unedig. Gallech ddarparu er enghraifft naill ai basbort Prydeinig neu basbort neu Gerdyn Adnabod Cenedlaethol o wlad yn yr Ardal Economaidd Ewropeaidd neu'r Swistir; neu fel arall ddogfen yn dangos eich rhif Yswiriant Gwladol DU parhaol a'ch Tystysgrif Geni; neu drwydded waith a'ch pasbort.

Mae rhestr gyflawn o dystiolaeth ddogfennol dderbyniol yn atodedig (gweler atodiad 1). **Rhaid i'r dogfennau gwreiddiol gael eu gweld ar ddiwrnod y cyfweliad a bydd copi yn cael ei wneud.** Fodd bynnag dim ond copïau o'r dogfennau sy'n ymwneud â'r ymgeisydd llwyddiannus fydd yn cael eu cadw, i'w cynnwys yn ffeil personol y person hwnnw.

### **Grŵp Ethnig**

Nodwch nad yw grŵp ethnig yn ymwneud â chenedligrwydd, man geni na dinasyddiaeth. Mae'n ymwneud â lliw a grŵp ethnig eang. Gallech berthyn i unrhyw un o'r grwpiau a restrir ac felly ticiwch y blwch sy'n gymwys.

## Deddf Lloches a Mewnfudo 1996

### Atal Gweithio Anghyfreithlon

O dan delerau Deddf Lloches a Mewnfudo 1996 mae'n ofynnol i holl gyflogwyr y DU wneud gwiriadau dogfennol sylfaenol ar bob person y maent yn bwriadu eu cyflogi. Drwy wirio a chopio rhai dogfennau gwreiddiol penodol o eiddo'r darpar gyflogai gall y Brifysgol sicrhau amddiffyniad statudol yn erbyn collfarn am gyflogi gweithiwr anghyfreithlon.

Os nad oes gan ddarpar gyflogai hawl i weithio yn y DU heb ganiatâd y Swyddfa Gartref, bydd unrhyw gynnig cyflogaeth yn amodol ar gyflwyno cais am drwydded waith ac i honno gael ei chymeradwyo gan y Swyddfa Gartref a Thrwyddedau Gwaith (y DU).

Mae'r rheolau hyn yn gymwys ar gyfer unrhyw gyflogai newydd, boed ar gyflog, tâl, ffioedd neu unrhyw ffurf arall o dâl a heb ystyried hyd na pharhad y gwaith.

Er mwyn cydymffurfio â'r Ddeddf, gofynnir i'r holl ymgeiswyr ddod â'r dogfennau gwreiddiol gyda hwy i'r cyfweiliad fel a ganlyn:

- Un o'r dogfennau gwreiddiol a restrir yn Rhestr 1.

Fodd bynnag os nad yw ymgeiswyr yn gallu darparu un o'r dogfennau gwreiddiol a gynhwysir yn Rhestr 1, gofynnir iddynt ddarparu dwy o'r dogfennau gwreiddiol yn y cyfuniadau a geir yn Rhestr 2

### ***Nid oes angen i'r ymgeiswyr ddarparu dogfennau o Restr 1 ynghyd â Rhestr 2.***

#### Rhestr 1

Mae Rhestr 1 yn cynnwys dogfennau y gellir eu darparu ar eu pen eu hunain i gynnig amddiffynfa statudol i'r Brifysgol.

- Pasbort yn dangos bod y deiliad yn ddinesydd Prydeinig, neu fod ganddo hawl i breswyllo yn y Deyrnas Unedig.
- Dogfen yn dangos bod y deiliad yn ddinesydd o wlad yn yr Ardal Economaidd Ewropeaidd neu'r Swistir. Rhaid i hon fod yn basbort cenedlaethol neu'n gerdyn adnabod cenedlaethol.
- Trwydded preswyllo a gyflwynwyd gan y Swyddfa Gartref i ddinesydd o'r Ardal Economaidd Ewropeaidd neu'r Swistir.
- Pasbort neu ddogfen arall gan y Swyddfa Gartref yn cynnwys arnodiad sy'n datgan bod gan y deiliad hawl preswyllo cyfredol yn y Deyrnas Unedig fel aelod o deulu dinesydd o'r Ardal Economaidd Ewropeaidd neu'r Swistir sy'n preswyllo yn y Deyrnas Unedig.
- Pasbort neu ddogfen deithio arall yn cynnwys arnodiad sy'n dangos y caiff y deiliad aros yn y Deyrnas Unedig am gyfnod penagored, neu nad oes cyfyngiad ar hyd ar ei arhosiad.

- Pasbort neu ddogfen deithio arall yn cynnwys arnodiaid sy'n dangos y caiff y deiliad aros yn y Deyrnas Unedig a bod yr arnodiaid hwn yn caniatáu i'r deiliad wneud y math o waith y mae'r Brifysgol yn ei gynnig os nad oes ganddo/ganddi drwydded waith.
- Cerdyn Cais Cofrestru gan y Swyddfa Gartref yn datgan bod hawl gan y deiliad i ymgymryd â chyflogaeth.

## Rhestr 2

Mae Rhestr 2 yn dangos y cyfuniadau o ddogfennau a fydd yn darparu'r amddiffyniad statudol i'r Brifysgol. Ni fydd gan y Brifysgol amddiffyniad statudol os gwelir un ddogfen o'r cyfuniad cyntaf ac un o'r ail gyfuniad.

### Cyfuniad Cyntaf

- A. Dogfen yn dangos Rhif Yswiriant Gwladol parhaol ac enw'r person. Gallai hon fod yn P45, P60, Cerdyn Yswiriant Gwladol neu lythyr gan asiantaeth o'r Llywodraeth.

### YNGHYD AG UN O'R DOGFENNAU A RESTRIR O B – H:

- B. Tystysgrif geni lawn a gyhoeddwyd yn y Deyrnas Unedig, sy'n cynnwys enwau rheini'r deiliad; NEU
- C. Tystysgrif geni a gyhoeddwyd yn Ynsoedd y Sianel, Ynys Manaw neu Iwerddon; NEU
- D. Tystysgrif gofrestru neu frodori yn datgan bod y deiliad yn ddinesydd Prydeinig; NEU
- E. Llythyr gan y Swyddfa Gartref at y deiliad sy'n nodi bod y person a enwyd ynddo yn cael aros yn y Deyrnas Unedig am gyfnod penagored, neu nad oes cyfyngiad ar hyd ei arhosiad; NEU
- F. Dogfen Statws Mewnfudo gan y Swyddfa Gartref gydag arnodiaid yn nodi bod y person a enwyd arni yn cael aros yn y Deyrnas Unedig am gyfnod penagored, neu nad oes cyfyngiad ar hyd ei arhosiad; NEU
- G. Llythyr gan y Swyddfa Gartref yn nodi bod y person a enwyd ynddo yn cael aros yn y Deyrnas Unedig, a bod hyn yn caniatáu iddo/iddi wneud y math o waith a gynigir NEU
- H. Dogfen Statws Mewnfudo gan y Swyddfa Gartref gydag arnodiaid yn nodi bod y person a enwyd arni yn cael aros yn y Deyrnas Unedig; a bod hyn yn caniatáu iddo/iddi wneud y math o waith a gynigir.

### Ail gyfuniad

- A. Trwydded waith neu gymeradwyaeth arall i ymgymryd â chyflogaeth gan Drwyddedau Gwaith y DU.

### YNGHYD AG UN O'R DOGFENNAU A RESTRIR O B - C

- B. Pasbort neu ddogfen deithio arall gydag arnodiaid yn dangos bod y person a enwyd arni yn cael aros yn y Deyrnas Unedig ac yn cael cymryd y gyflogaeth trwydded deithio dan sylw; NEU
- C. Llythyr gan y Swyddfa Gartref yn cadarnhau bod y person a enwyd ynddo yn cael aros yn y Deyrnas Unedig ac yn cael cymryd y gyflogaeth trwydded deithio dan sylw.

***Nodwch nad yw'r dogfennau canlynol yn darparu tystiolaeth addas ac na fyddant yn cael eu derbyn gan y Brifysgol.***

- Llythyr Cadarnhad Safonol gan y Swyddfa Gartref neu Lythyr Gwasanaeth Mewnfudo (IS96W) sy'n datgan bod ceisydd lloches yn cael gweithio yn y Deyrnas Unedig. (Dylai unigolion â'r dogfennau hyn gysylltu â'r Swyddfa Gartref am wybodaeth ynglŷn â sut y gallant wneud cais am Gerdyn Cais Cofrestru.
- Llythyr gan y Swyddfa Gartref yn datgan bod y deiliad yn ddinesydd Prydeinig.
- Pasbort yn disgrifio'r deiliad fel Dinesydd Tiriogaethau Dibynnol Prydeinig sy'n datgan bod gan y deiliad gyswllt â Gibraltar.
- Tystysgrif geni fer a gyhoeddwyd yn y Deyrnas Unedig nad yw'n cynnwys manylion rhieni'r deiliad.
- Cerdyn neu dystysgrif gan Gyllid y Wlad o dan Gynllun y Diwydiant Adeiladu.
- Rhif Yswiriant Gwladol dros dro (yn dechrau â TN, neu unrhyw rif sy'n diweddu â'r llythrennau E i Z yn gynwysedig).
- Trwydded yrru gan yr Asiantaeth Trwyddedu Gyrwyr a Cherbydau.
- Bill gan sefydliad ariannol neu gwmni gwasanaeth cyhoeddus.

Hydref 2006